



CITY OF BOSTON • MASSACHUSETTS

OFFICE OF THE MAYOR
MARTIN J. WALSH

Kerida Komunitadi di Skolas Públikas di Boston,

Risentimenti n'anunsia un planu di 10 anu, ondi nu staba ta ben investi 1bilhão di dollar na idifísius y salas di aulas di Skolas Públikas di Boston. Skolas di Boston sta dizatualizadas. Nos profisoris, Diretoris, y funsionárius ta trabadja insensantimenti y ku kreativadadi pa manti un ambienti propísium pa aprendizagem. Mas verdadi é ki, 65% di kes 127 skolas li na Boston foi kontruídu antes di Sigunda Guerra Mundial, y nu podi nota ki menus di metadi des foi totalmenti renovadu. Nu entantu, duranti es tempu, nu fazi un strada (via expressa) ilevadu, nu romba-l, y nu interra-l num túnel dentu di sidadi. Nu debi ser kapaz di konstruí Skolas. Es é nos prinsipal investimentu na futuro.

E pur isu ki, pa mas di un anu, nu anda ta pidi opinion di komunitadi y nu rikodji dados konkretus relacionadu ku nesesidadis di idifisios di nos skolas- y nu fika ta imagina novus posibilidadi pa ses futuro. Nu poi tudu es informason na **BuildBPS (KonstruíBPS)**, nos planu idukasional di 10 anu y nos planu mestri pa instalason, ki nu lansa ofisialmenti hoji. Pa nhos aprendi mas, pur favor visita novu website na BuildBPS.org.

BuildBPS sta ben muda forma ki nu ta planeja, kontruí, y rinova instalason skolaris. E mas: El ta ben disblokia tudu ki nu mesti fazi pa prepara studentis pes ten susesu na sékulo 21. Nãu só nu ta ben kontruí skolas modernas, mas també ispasu flexível ki ta permiti nos distritu alkansa novus putênsial na medidi ki nos Sidade y mundu ta evolui.

Próximu fasi di BuildBPS ta txoma atenson pa un involvimentu kontínu y profundu. Build BPS e un dokumentu vivu. Nu ta aumenta inda mas nos konhesimentu, kreatividadi y dedikason na nos komunitadi skolar pa nu podi re-imagina y renova infra-strutura di Skolas Públikas di Boston. Djuntu nu ta planeja y cria un novu era di equidadi y iselênsia na skolas di Boston.

Sinceramenti,

Martin J. Walsh, Prefeitu